



Aktuelnosti

O K T O B A R
2 0 2 5

Grafički dizajn i novinarska sekcija

DEŠAVANJA U OKTOBRU

- UČENICI NAŠE ŠKOLE POSJETILI MEĐUNARODNI FESTIVAL KERANJA I ČIPKARSTVA U GRAČANICI
- NAŠI UČENICI NA KAMPU KOJI ORGANIZUJE GOETHE INSTITUT
- UČENICI LIV GENERACIJE NAŠE GIMNAZIJE NA MATURSKOJ EKSURZIJI U ŠPANJI
- OBILJEŽEN 10.OKTOBAR - SVJETSKI DAN MENTALNOG ZDRAVLJA
- VELIKI USPIJEH NAŠE BIVŠE UČENICE DŽENANE GAZIBEGOVIĆ
- SVEČANA DODJELA PRIZNANJA DOBROVOLJNIM DAVAOCIMA KRV I ANIMATORIMA
- ODRAŽAN SPORTSKI DAN U NAŠOJ ŠKOLI
- NAŠ EDVIN ŠIŠIĆ POTPISAO KOŠARKAŠKI UGOVOR SA OKK ČELIK ZENICA
- OBILJEŽENA MANIFESTACIJA "DANI EVROPSKOG NASLIJEĐA 2025"
- OBILJEŽEN DAN MOLA
- NIZOM AKTIVNOSTI BIBLIOTEKARSKA SEKCIJA OBILJEŽILA MJESEC NOVEMBAR - MJESEC KNJIGE
- OBILJEŽEN SOCIJALNI DAN
- OBILJEŽEN DAN KRUNISANJA KRALJA TVRTKA I KOTROMANIĆA I DAN SJEĆANJA NA SREDNJOVJEKOVNU BOSNU
- OBILJEŽEN DAN SVJESNOSTI O BIBLIOTEKAMA
- ODRŽANA KONFERENCIJA "UMJETNA INTELIGENCIJA U OBRAZOVANJU"
- ODRŽANA ZAVRŠNA AKTIVNOST POVODOM "RUŽIČASTOG OKTOBRA"

MEĐUNARODNI FESTIVAL KERANJA I ČIPKARSTVA U GRAČANICI

U srijedu 1.10.2025.godine učenici Ib razreda naše škole su posjetili Međunarodni festival keranja i čipkarstva koje je organizovalo Udruženje Gračaničko keranje u Gračanici. Oraduudruženja, njegovomznačajuiznačajuodržavanja tradicije, kulture i baštinenaroda našegkraja,učenikeje upoznala Azemina Ahmedbegović, predsjednicaudruženja Gračaničko keranje.

Učenici su nakon predavanja imali priliku da vide razne rukotvorine koje su napravile članice ovog udruženja,a među njima i svima nadaleko poznati cvijet Srebrenice,a u zadnje vrijeme i cvijet Gaze autorice Azre Spahić. Učenice su iskoristile priliku i da naprave i prve kere uz pomoć članica ovog Udruženja. Ovo je bila prilika da se upoznamo sa čuvarima i njegovateljima naše tradicije a dio ambijenta možete vidjeti na našim slikama. Zahvaljujemo se Udruženju Gračaničko keranje na srdačnom prijemu i riječima podrške na čuvanju tradicije i običaja ovog kraja.





Učenici LIV generacije naše
gimnazije bili na
maturskoj ekskurziji u Španiji
U periodu od 26. septembra do 5.
oktobra smo mi, učenici LIV generacije,
ovogodišnji maturanti, uz pratnju svojih
razrednika bili na maturskoj ekskurziji u
Španiji

Prva destinacija na našem putu bio je grad kanala i mostova, Venecija. Nakon provedenog jutra u Veneciji nastavili smo put ka obližnjem gradu Rosolina Mare. U Rosolina Mare smo odsjedali praveći pauzu od puta uz opuštajuće prizore italijanske obale. Napunjenih baterija uputili smo se u grad koji je bio utočište Dante-a Alighieri, grad sa dobro očuvanom rimskom arenom, no najprepoznatljiviji kao grad Romea i Julije, Verona. To je ujedno bila i posljednja destinacija prije Lloret de Mar-a gdje smo odsjedali naredna četiri dana, a svaka večer je bila popraćena izlaskom u klub Tropicis.

Prvi dan je bio rezervisan za odmaranje i istraživanje.



Drugi dan smo već krenuli ka Barceloni. Imali smo priliku obići Sagrada Familia, Casa Batllo, Casa Mila, stadion Camp Nou, te uz ručak uživati u pogledima sa Montjuic-a.

U slobodnom vremenu smo istraživali La Ramblu i Barri Gotic.



Treći dan je proveden u zabavnom parku Portaventura, gdje smo iskusili slobodan pad na Hurakan Condor, roller coaster-e poput Shambale, Dragon Khan, Furious Baku, Stampida, El Diablo, koje su neki od najbržih u Evropi, te se rashladili na vodeno-adrenalinskoj atrakciji Tutuki Splash.



Četvrti dan je započeo nešto više mirnijim tonovima sa obilaskom Tossa de Mar i tradicionalne bodege gdje smo degustirali neka najbolja španska pića. U povratku nazad prvi grad koji smo posjetili bio je grad najprestižnijih filmskih festivala, Cannes. Nakon pauze za ručak i obilaska obale te večeri stižemo u Monaco. Ovu večer smo proveli šetnjom od palate Grimaldijevih, Staze F1 do kasina Monte Carlo.

Naredni dan, nakon duge vožnje, nastavljamo u Milanu, u kojem razgledanje započinjemo od utvrde Castelo Sforzesco, katedrale Duomo do galerije Vittorio Emanuele II.


Poslije Milana vraćamo se natrag u Rosolinu Mare gdje pravimo pauzu od puta. Sutradan nakon svih novopečenih znanja, iskustava i prijateljstava vraćamo se nazad u Gračanicu.





Nakon više od stotinu hiljada pređenih koraka, hiljade kilometara, 4 države, bezbroj nezaboravnih trenutaka, jedino što možemo je reći hvala jedni drugima i našim razrednicima za ovih prelijepih 10 dana i za sve što je učinilo ovu ekskurziju uspješnom i posebnom. Zajedno smo ispisali jednu lijepu stranicu u knjigama naših života, a ova ekskurzija neka nam služi kao podsjetnik na to šta je sve moguće.

Svjetski dan mentalnog zdravlja

Razgovarali smo na radionici o važnosti mentalnog zdravlja, pripremili porukice, savjete kako brinuti o svom mentalnom zdravlju i nosili smo zelenu boju. Pedagogica je prisustvovala obilježavanju ovog dana u Centru za mentalno zdravlje Doma zdravlja Gračanica.






Radila:Reina Čehajić Ib

USPJEH BIVŠE UČENICE DŽENANE GAZIBEGOVIĆ

Dženana Gazibegović, inače učenica generacije 47. generacije naše gimnazije u 2019/2020 školskoj godini, a sada studentica mašinstva na Tehničkom univerzitetu u Grazu, dobitnica je nagrade „Najbolji student 2025“ u oblasti prirodno-tehničkih nauka, za najbolje ocjene master studija u Austriji.






"Počasćena sam što je moj rad
priznat od strane Bosanskog
akadenskog društva u Austriji.

Austrija je dom hiljadama
studenata iz Bosne i Hercegovine i
zahvalna sam za priznanje od
organizacije koja njeguje ne samo
znanje već i bosanski identitet
vani" - izjavila je Dženana
povodom ove vrijedne nagrade.

Dženani želimo mnogo uspjeha u
daljem obrazovanju!



Laila Isić Ila

**SVEČANA
DODJELA
PRIZNANJA
DOBROVOLJNIM
DAVAOCIMA KRV
I ANIMATORIMA**

DANAS, 17.10 JE U TUZLI ODRŽANA SVEČANA DODJELA PRIZNANJA I ZAHVALNICA DOBROVOLJNIM DAVAOCIMA KRV I ANIMATORIMA KOJE JE ORGANIZOVAO CRVENI KRIŽ TUZLANSKOG KANTONA, UZ PODRŠKU VLADE I MINISTARSTVA ZDRAVSTVA TK.

NA PRIJEDLOG CRVENOG KRIŽA GRAČANICA, ZAHVALNICE SU DOBILE PEDAGOGICA GIMNAZIJE DR. MUSTAFA KAMARIĆ VEDADA ĐULIĆ I PROFESORICA JESENKA PITIĆ IZ MJEŠOVITE SREDNJE ŠKOLE GRAČANICA, ZA DUGOGODIŠNJI DOPRINOS PROMOCIJI DOBROVOLJNOG DARIVANJA KRV I ANIMIRANJU MLADIH NA OVAJ HUMANI ČIN.

KAO DUGOGODIŠNJI DOBROVOLJNI DAVAOC KRV NAŠA PEDAGOGICA VEDADA JE ZAHVALNICU DOBILA ZA RAD NA PROMOCIJI DOBROVOLJNOG DARIVANJA KRV I ANIMIRANJU MLADIH NA OVAJ HUMANI ČIN. ČESTITAMO!





School SPORTS DAY Extravaganza



**17. oktobar 2025.
Rukometno igralište**

Takmičenje se odigralo po principu prva smjena protiv druge (I i III – II i IV razredi).

Učrnici/e su pokazali svoja umijeća u odbojci, kosarci i nogometu pa je rezultat bio sljedeći:

- Odbojka muškarci završila se pobjedom su učenika I i III razreda.

Djevojke I/III razreda su pokazale svoju borbenost i

- znanje te pobijedile učenice II/IV razreda.

Košarku su igrali muškarci sa po jednom učenicom u sastavu ekipa te je pobjeda pripala učenicima prve

- smjene.

Na rukometnom igralištu učenici su odigrali utakmicu iz malog nogometa gdje su pobijedili učenici prve smjene.

•

Članovi Biciklističke sekcije na čelu sa prof. Jasminom

Mujkićem odvezli su visinsku turu Gračanica – Vis.

U organizaciji i sudjenju utakmica učestvovali su

profesorica/i članovi Školskog sportskog društva Gimnazije i učenici/e.





BREAKING NEWS

Naš Edvin Šišić, učenik trećeg razreda opće gimnazije je odlučio da svoju košarkašku karijeru nastavi u OKK Čelik Zenica. Ovaj tužno-sretni trenutak iskoristili smo da ga ispratimo, da mu zaželimo puno sreće i uspjeha i poručimo da ćemo uvijek navijati za njega





Sretno Nedime u daljnoj karijeri i školovanju.






Obilježena manifestacija “Dani evropskog naslijeđa 2025”

Manifestacija “Dani evropskog naslijeđa 2025” ove godine će biti posvećena očuvanju i promociji književnog stvaralaštva jednog od najznačajnijih bosanskohercegovačkih pisaca, Derviša Sušića. U okviru aktivnosti obilježavanja u utorak, 21.10.2025.godine sa naši učenici, a posebno članovi izborne grupe bosanski jezik i književnost u IV razredu i profesorica Džana Salihefendić su razgovarali o Dervišu Sušiću sa profesoricom Subhijom Karahmetović. Kultura živi kroz djela i tradiciju koju zajedno negujemo!





**Radio:
Bajrić
Maid**

OBILJEŽEN 23.10

DAN MOLA

Svake godine, u mjesecu oktobru, tačnije 23.10, od 6:02 ujutro do 6:02 poslijepodne obilježava se „**Mole Day**“ – dan posvećen **Avogadrovom broju**, odnosno broju jedinki u jednom molu tvari.

Dan mola se obilježava kako bi se istakla važnost jedinice mol u hemiji, jer ona omogućava da se povežu atomi, molekule i mase tvari u stvarnom svijetu. Ovaj dan služi i za popularizaciju hemije, razvijanje interesa za nauku, te podsjećanje na značaj Avogadrovog broja.

Također, ovaj dan nas podsjeća koliko je hemija prisutna svuda oko nas – od zraka koji udišemo do vode koju pijemo. Avogadrov broj simbolično povezuje mikroskopski svijet čestica s našom svakodnevnicom, pa je cilj ovog dana da učenici i zaljubljenici u nauku bolje razumiju i cijene čuda koja se kriju iza svakog hemijskog izraza.


Učenici trećih i četvrtih razreda izborne nastave hemije, te članovi sekcije **Biosigurnost i biozaštita**, zajedno s profesoricom hemije **Jasminkom Nurkanović**, obilježili su Dan mola nizom zanimljivih aktivnosti.

Rješavali su zadatke kako bi pokazali koliko jedinki ima u jednom molu tvari uz pomoć Avogadrove konstante. Izvodili su i nekoliko eksperimenata, te izrađivali razne plakate i brošure. Učenica drugog razreda, **Amra Mešanović**, održala je prezentaciju o svemu važnom vezanom za mol i Avogadrov broj.

Mol je jedna od sedam osnovnih mjernih jedinica Međunarodnog sistema (SI). Njegova definicija usvojena je još 1971. godine i glasi:

Mol je količina tvari onog sistema koji sadrži onoliko jedinki koliko ima atoma u 12 grama ugljikovog izotopa ^{12}C .

Jedan mol bilo koje tvari sadrži Avogadrov broj, odnosno $6,022 \times 10^{23}$ jedinki (atoma ili molekula) te tvari.



*NIZOM AKTIVNOSTI BIBLIOTEKARSKA SEKCIJA
OBILJEŽILA MJESEC NOVEMBAR - MJESEC KNJIGE*



Oktobar mjesec je posebno vrijeme za bibliotekarsku sekciju - mjesec knjige.

Nizom aktivnosti ukazujemo na vrijednost knjige i pisane riječi.




Danas nas je posjetila Merima Čehajić Hadžiaganović i donirala nekoliko primjeraka svoje knjige Tragom srca.



U goste nam je došla naša Amina Osmanhodžić, predstavila svoju zbirku pjesama, te smo razgovarali o knjigama, pisanju i čitali pjesme.







*Radila:
Gopo Alma*





SOCIJALNI DAN

Danas je Socijalni dan, dan kada srednjoškolci dobiju priliku da odlaskom na radno mjesto teknu osjećaj za radnu atmosferu i upoznaju se sa osnovnim radnim procesima.

Danas su građanički srednjoškolci među kojima i učenici naše gimnazije uspješno volontirali u sljedećim ustanovama, firmama, preduzećima, lokalima i mnogim drugim firmama: Obdanište Naša djeca Gračanica, Gradska apoteka Gračanica, Grad Gračanica, Foto Šako, Foto T&L, Neutrino, Apoteka Fehemm

Kanetex, Suman, Motorex, BKC Gračanica (Narodna biblioteka, Radio Gračanica, Gradski muzej)

Variplast, Konstall, Bema ba, Ambra

Obdanište "School and school", Noname, Caffe bar Times square 92, Caffe bar Film

Vetteam, Plastoflex, Trgovina Dalma, Edo slad, Crvena jabuka

Sinsay, Juppi tours, Hyperlink

Fitness centar Empire, Excellent, Plamingo, Pub splavovi, Salon Mirna

Svoj Socijalni dan u Bosanskom kulturnom centru obavljaju Elma Omerašević i Harun Kovačević.

Upoznali su se sa osnovama rada u Narodnoj biblioteci "Dr. Mustafa Kamarić" i redakciji Radio Gračanice.

24.10.2025




Sara Avdić III c



Dan krunisanja kralja Tvrtka I Kotromanića i Dan sjećanja na srednjovjekovnu Bosnu

*DAN KRUNISANJA PRVOG BOSANSKOG
KRALJA, KRALJA TVRTKA I
KOTROMANIĆA I DAN SJEĆANJA NA
SREDNJOVJEKOVNU BOSNU SU U
PETAK, 24.10., OBILJEŽILI UČENICI
IZBORNE I DODATNE NASTAVE IZ
HISTORIJE UZ PODRŠKU
PROFESORICE AZIJADE JUKAN.*

GDMK GRAČANICA



DAN SVJESNOSTI O BIBLIOTEKAMA

Posljednji ponedjeljak u oktobru se o. 32 bilježava kao Dan svjesnosti o bibliotekama, pa je tako jučerašnji dan bio ispunjen aktivnostima.

Bibliotekarka Rasema Spahić i članice sekcije su prisustvovalе događaju u Narodna biblioteka "Dr Mustafa Kamarić "Gračanica pod nazivom "Obrazovanje u biblioteci: Informacijska i digitalna pismenost".



Pored toga u prostoru školske biblioteke profesorice bosanskog jezika Džana Salihefendić i Meliha Abbas su proglasile pobjednike literarnog konkursa u povodu Mjeseca knjige. Pobjednica Sara Ćudić IV razred je pročitala svoj rad.



KONFERENCIJA "UMJETNA INTELIGENCIJA U OBRAZOVANJU"

Današnju Konferencija na temu "AI - Umjetna inteligencija u obrazovanju" posjetili su učenici IV-c , IT odjeljenje naše gimnazije uz pratnju prof.Nedžada Husičića i prof.Jasmina Ahmetovića.

Udruženja nastavnika i profesora informatike TK - UPINiTK je u prostorijama BKC Tuzla , održala predavanja zainteresovanim nastavnicima i profesorima iz osnovnih i srednjih škola sa Tuzlanskog kantona o nacionalnoj AI strategiji u obrazovanju kao i generativnoj AI za kreiranje nastavnih materijala te primjeri dobre prakse.

Prema riječima predsjednice Udruženja nastavnika i profesora informatike TK Elvire Slomić, neke od tema današnje konferencije direktno se tiču promjena u nastavnom planu i programu i alata koji se najčešće koriste za pristup vještačkoj inteligenciji.



"Govorimo i o sigurnosti korištenja vještačke inteligencije od strane učenika. Apelujem ovom prilikom na roditelje da obrate pažnju na te sigurnosne granice koje treba postaviti djeci da ne bi otišli u te krajnosti gdje mogu da imaju neke opasnosti korištenja", kazala je profesorica Slomić naglasivši veliku odgovornost i nastavnika i roditelja.

"Opasnosti korištenja alata vještačke inteligencije potrebno je, prema riječima predavača prof. Nedžada Husićića, sagledati i iz drugog ugla.

"Pri traženju informacije potrebna je njena provjera, a na taj način je moguće razviti kreativnost kod učenika. Cilj nam je da profesore i nastavnike koji su prisutni upoznamo na koji način da mi umjetnu inteligenciju iskoristimo i to znanje koje učenici sa sobom nose, njihov interes, da pokušamo usmjeriti ka stvaranju kreativnosti i iskorištavanje te prednosti u nastavnom procesu."



Laila Isić Ila

GIMNAZIJALKE U SLUŽBI LOKALNE ZAJEDNICE

30.OKTOBAR.2025

TRŽNI CENTAR "ETNA"



Tokom protekla dva dana
naše učenicesu volontirale
na punktu Crvenog križa
Grada Gračanica u tržnom
centru Etna i prikupljale
namirnice i novčana
sredstva.

Bravo djevojke!





NAŠ UČENIK

EMRAH KARIĆ

***U SASTAVU REPREZENTACIJE BOSNE I
HERCEGOVINE PUTUJE NABALKANSKO
PRVENSTVO U RIJEKU***

Nakon održanog državnog i izbornog prvenstva naš učenik trećeg razreda IT gimnazije Emrah Karić, pozvan je u reprezentaciju Bosne i Hercegovine te ga očekuje nastup na Balkanskom prvenstvu koje će se održati u Rijeci/Hrvatska u periodu od 06-09. novembra 2025. godine.

Želimo sretan put našem Emrahu, a za troškove nastupa pobrinula se Općina Doboj Istok i Ministarstvo za sport, kulturu i mlade Tuzlanskog kantona.



**dr. Semir Džebo i
mr.sc Zlata Jašarević
ponos naše gimnazije i
Grada Gračanice**





Dr. Semira Džebu, nekadašnjeg učenika OŠ „Stjepan Polje“ Stjepan Polje, Gimnazije „Dr. Mustafa Kamarić“ Gračanica, studenta Internacionalnog univerziteta u Sarajevu akademski put doveo je do jedne od najprestižnijih svjetskih institucija - Univerziteta u Oxfordu.

Dr. Džebu trenutno radi kao postdoktorski istraživač u Centru za socio-pravne studije (CSLS) Pravnog fakulteta Univerziteta u Oxfordu gdje je od septembra ove godine angažovan na projektu HuRiEE.

Njegovo istraživanje fokusira se na svijest o ljudskim pravima. Ispitujući kontekste poput Mađarske, Rumunije, Poljske i Ukrajine, njegov rad pruža vrijedne uvide u to kako različiti stepeni demokratskog nazadovanja i otvorenog sukoba oblikuju razumijevanje ljudskih prava.

Prije nego što se pridružio Oxfordu, dr. Džebu je završio doktorat u Beču, a njegova doktorska disertacija istraživala je individualne preferencije prema teritorijalnoj politici u modernim državama.

Njegov dugogodišnji interes za etničke sukobe, političko nasilje, terorizam i borbu protiv terorizma, te neregularno ratovanje, nastavlja voditi njegovu istraživačku i nastavnu filozofiju.

Dr. Džebu je inspirativan primjer za sve sadašnje i buduće studente u Bosni i Hercegovini koji se trude da ostave utjecaj u akademskoj zajednici.





Mr.sc. Zlata Jašarević - Jedan master program, dvije države, dvije master diplome i dvije nezaboravne godine.

Nekadašnja učenica OŠ „Hasan Kikić“ Gračanica i Gimnazije „Dr. Mustafa Kamarić“, zvanično je postala magistra hemije (Universite Paris-Saclay - Francuska) i magistra nauka i tehnologije o nanomaterijalima (Universidade do Porto - Portugal).

Nešto ranije, Bosnia & Herzegovina Futures Foundation objavila je da je neovisni odbor za dodjelu nagrada izabrao Zlatu Jašarević iz Gračanice, studenticu nauke o materijalima i hemijskom inženjerstvu, za dobitnicu 2021. godine nagrade "Vera Šnajder". Zlata je nagradu primila u sklopu ceremoniji otvaranja 12. dana bosansko-hercegovačko-američke akademije nauka i umjetnosti Bosnian-Herzegovinian American Academy of Arts and Sciences, konferencije u Mostaru. Čestitamo!

Nagrada Vera Šnajder odaje priznanje čast Veri Šnajder, pionirke u obrazovanju, prve žene matematičarke u Bosni i Hercegovini i prve žene dekan u bivšoj Jugoslaviji.

Ova nagrada početak je i dio veće inicijative koju u fondaciji nazivamo „Heroji znanja“. BiH ima stotine stručnjaka koji su dali ogroman doprinos nauci, obrazovanju, postavili temelje modernog obrazovanja, ali danas su uglavnom zaboravljeni. To želimo promijeniti i ponovo upoznati bh. Javnost i dijasporu s tim pionirima.

